

楊家駱主編 古今圖書集成續編初稿

鼎文書局發行

選舉典叢目

清史稿選舉志 〔民國〕清史館編

大清會典事例卷三百廿九至四百〇六 〔清〕光緒二十五年奉敕修

中國的科名 〔民國〕齊如山撰

詞林輯略十一卷韻編一卷 〔民國〕朱汝珍輯

清代館選分韻彙編卷十二 〔民國〕嚴懋功輯

中國書院制度 〔民國〕盛朗西撰

古今圖書集成續編初稿選舉典識語

楊家駱

——中國選舉史料清代編識語——

今世一言選舉，國人必聯想及於投票，且美其事曰民主作風。而於考試制度，則以爲不過備文官之選擇而已。竊以爲自鄉舉里選一變而爲九品中正，再變而爲考試制度，使全民皆有經考試而參與政治之機會，以意美法善，故歷唐、宋、元、明、清千數百載採用而不衰，是中國未嘗一日不注意民主作風，特不同於歐美之形態耳。駱以爲尤要者在足以拴繫全國智識分子對中央之向心，使此制度成爲國家結構之主力，而遠非歐美民主形態所可及，惟國父能見及之，遂以考試爲五權之一。駱每擬撰專書言考試制度對國家結構之關係，久久未暇著手，今以撰作此識語先發其大意如此。「古今圖書集成」有「選舉典」，取材至明末止，今爲續編，意在補足有清一代之事，首收「清史稿、選舉志」，以概括一代之大略，次收光緒二十五年所修「大清會典事例」卷三百廿九至四百〇六，即關於貢舉、學校、風教者（「大清會典」正書已收錄於續編初稿「官常典」，故有關於部分不重出）；上二書皆具官方性質，次錄齊如山先生「中國的科名」，以見民間之看法。次錄朱汝珍「詞林輯略」以見歷科所得之人才，又有嚴懋功「清代館選分韻彙編」，與朱書除一分科一按韻外餘並相同，惟彙編卷十二具統計意義，故於錄「詞林輯略」全書外，更取「彙編」之卷十二以輔之。上所收皆關於以考試爲選舉者。「集成」原書「官常典」有「國子監部」，「選舉典」有「學校部」，然所述皆不如「職方典」各部彙考下「學校考」爲詳，惟「學校考」僅著錄各地書院名稱及創立時期，於整個制度，仍不能予人以清晰之印象，故本稿最後收盛朗西之「中國書院制度」以彌此憾。編次既定，爰識其大意如此。

中華民國六十六年八月廿六日金陵楊家駱謹識

欽定大清會典事例卷三百六十七

禮部

學校學政考覈

學政考覈。順治八年定學臣報滿。照例考覈。公明者優升。溺職者參處。歲科兩考完日。即報部銓補。新舊交代。以杜著事。諸弊。學臣以到任日為始。歲考限十二月考完。每三月解卷一次。科考分四次解卷。以憑磨勘。所取生童文字。以純正典雅為主。詭譎者。本生褫革。學臣分別卷數之多寡。議處生員。不許聚眾結社。糾黨生事。

欽定大清會典事例

卷三百六十七

一

及濫刻送文窗稿。教官生員不遵條教者。學臣嚴行懲治。若與武職兵丁有爭。教官生員聽學臣處治。不許武職擅責。武職兵丁聽該衙門處治。不許生員結黨爭抗。學官不宜懸缺。致曠職業。撫臣按缺題請。下吏部銓補。其有不由科貢出身。濫冒教職者。一併題明。送部另用。若署事教官。止用本學及別學。不得濫委雜流。又題准學臣新舊相接。除御史報代。自有臺規外。凡學道兩考完日。先期報禮部。即咨吏部銓補。新官依限赴任。面相交代。以杜著事。諸弊。其舊官

欽定大清會典事例

卷三百六十七

二

聽候考覈。升轉處分。九年題准。學政歲科兩考。定以三年內報完。仍俟新任面代。不許擅離地方。又題准。歲科試卷優等。以大學五名。小學三名。解部磨勘。其有詭僻幽險。割裂補綴者。照題定卷數。分別參處。解卷時。必用原本。真卷不許改謄潤色。解期務照題定次數。不許遲延。違者參處。十五年題准。各提學有能將上官勢要封函揭送者。於考覈時。並為敘錄。康熙元年題准。學道任滿考覈。改隸吏部。二年題准。提學每一次解卷內。磨勘出一卷者。罰俸六月。二卷罰俸九月。三卷罰俸一年。四卷降一級。五卷降二級。六卷革職。又題准。直省現任提學。於鄉試前。接考小半及一半者。所屬未考地方。尚多。仍通行考試。以完下三年考試一周之數。其接考大半者。准其報滿。七年題准。學政考完兩府。即將原卷解部。八年題准。學政考後。每六箇月解卷一次。十一年議准。新補學政。一經領

敕。次日即行赴任。至各省舊任學臣考試已竣。俱於十一月內報滿到部。如違定限。即題參處。十

二年

諭近聞直隸各省學差沿襲陋規墮廢職業營私作弊考試不公以致真才淪棄文治不光今應作何整飭差違何官及磨勘考覈之法何以盡善務期永革弊端著九卿科道會同詳確議奏欽此遵

旨議定直隸各省學臣所解之卷不能無改謄潤色嗣後停其解卷磨勘俟三年期滿督撫以稱職薦舉者照例以參議道用以公明尤著保舉者照例內升京堂若有徇情溺職等弊聽督撫指名題參若督撫徇情不參被科道糾參或有別官

欽定大清會典事例

卷三百六十七

三

首出將督撫一併議處又題准學政考試遲延限內不能完結者降一級調用十八年題准學政考過學冊一年二季解部由部將新舊學冊嚴加校對如有額外濫取蒙報者題參二十年議准遠遼省分地方遼闊往往不能按時考試有向例歲科聯考者亦間有學政新舊交代試期稍迫奏請歲科聯考者其前列試卷不能一概於歲科兩試後即行分解部科磨勘其餘省分仍照例分解毋得遲延二十二年議准嗣後文武生員錄事黜革及審明收復並

欽定大清會典事例

卷三百六十七

四

改歸原籍等項該學院學道逐案開明報部如有遺漏即行議處二十五年題准學政歲考畢造簡明文冊解部科校對科考畢亦如之總計三年二次其違限不解者照例參處二十六年題准學政於鄉試第二年接任其未考地方多者展限五月少者展限三月報滿若鄉試之年於試前接任俟下次三年歲科試完報滿二十九年議准學政考後造冊報部有額外濫取改名易姓頂補此學改入彼學等弊或被督撫糾參或被部科查出將學臣照貪官例革職提問賄進諸生照光棍例治罪三十三年議准各省學政造送學冊其府學生員名下查明本州縣籍貫詳細填註毋致舛錯以備查覈又議准學政於歲科兩試取進文武新生發學後即飭地方官將名數履歷造冊呈送督撫備查舊案文武生員每逢歲科兩試飭教官照格眼冊另造一本牒送地方官呈督撫衙門存案三十九年題准學臣歲考後令解全冊一次科考後止將錄取生員姓名幫補日月及各項事故分別開報不必別造四柱全冊四十

年題准學臣歲科解冊均由驛遞。四十五年覆准學政報部歲科冊內有錯誤者該部駁回改正。其名數不符蒙混報部及頂冒等弊並不應補廩增而越補不應降青而竟降者奏交該督撫察明題參。五十年覆准學臣遇有丁憂等事離任將學政印務令該督撫或藩臬署理者定例不許考試其遇鄉試屆期但照科考正案送場署印不准錄送遺才。五十三年議准凡學臣更替定於鄉試年之秋列名恭候欽點以武闈後十月底到任為限舊學臣報滿即行

欽定大清會典事例

卷三百六十七

五

起程。又議准嗣後鄉試年分更換學院學道禮部將更換之處開送吏部開列具題。差定之後新學臣建行赴任舊學臣報滿交代即行起程。五十四年定各省學道報滿後該督撫於一月內考覈具題如逾一月者將督撫照違限例處分。雍正元年覆准定例歲科兩考各限一年考完即將簡明文冊送部查對惟歲考事務稍繁嗣後歲考解冊再寬限六月以免遲延之咎其科考仍照舊例遵行至所造冊內有字畫訛落之處不過勝緣偶誤無關弊竇免其較

參行令學政自行改正。○又

諭朕惟自古帝王皆以興賢育才為務我世祖定鼎中夏首隆學校加意人才

皇考聖祖仁皇帝御極六十一年培養教育恬冒涵濡深仁厚澤有加無已

御製訓飭士子文頒布學宮東西南朔海濱山陬戶習詩書敦禮樂文教之隆莫過於此朕繼承大統遵守舊章寤寐求賢惟恐或失念學校為士子進身之階督學一官尤人倫風化所繫遴選學臣倍加鄭重爾等須廉潔持身精勤集事實行文風兩者所當並

欽定大清會典事例

卷三百六十七

六

重若徒事文華而不敦崇實行猶未為盡職也表揚忠孝節義崇祀先聖先賢訪求山林隱逸摛羅名蹟藏書而衡文一道專以理明學正典雅醇潔為主古人云言乃心聲氣由夙養必士品端而後文風正他日為國家柱石為朝廟羽儀不恭重斂勿私納苞苴勿暗循情面勿輕視武途勿濫取祠廕勿矯激沽名勿昏庸廢事勿卑汙貶節勿驕暴陵人胥吏必謹關防幕客尤宜選擇如此則內外交法本末兼修上不負朝廷下不愧多士朕耳目所及必有見聞若罔顧朕名廉隅不飭國有常憲罰必隨之尚其勉旃毋忽

○二年奏准學政通計三年解冊兩次不必扣限。○三年

諭

從前學政主考皆就其為人謹慎者派往並未考試文藝其中竟有不能衡文者或中式後荒疏年久故耳著將應考之翰林並進士出身之各部院官員查奏俟朕試以文藝再行差委。○六年奏准嗣後福建

臺灣考試解部文冊由兼理臺灣學政將一應冊卷別具印文附於福建學政一併送部。○十二年議准學臣報滿時將歲科報部文武生員等第緣事開復游學隨任等項並科冊報部後

欽定大清會典事例

卷三百六十七

七

之革項緣事開復補考補廩等項逐一備細造冊鈐印交與新任學臣其或新任學臣未到而舊學臣已經離任向例將學臣印信交與巡撫代理嗣後令學臣於交印之時將文武生員各項冊籍一併交與撫臣俟新任學臣到日轉行交明。○十三年議准學政歲科造報各冊並學政新舊交代底冊內凡舊管新收開除實在四柱總數並開復補廩及生員等第緣事黜革等項所註原增附書社緊要字樣遇有完補添註之處務令鈐蓋印信以杜弊竇仍將用印顆數

於冊尾開註如有遺漏印信以致書吏增減作

弊者除將書吏重究外仍將該學政交部議處

○乾隆元年議准學政案試其題報優劣俱擇

其尤者次則悉於等第上下之至於經學凡應

考生童非熟本經者不錄有能通習多經者即

拔前列以示獎異其歲科前列十名試卷俱著

解送部科磨勘分別議處議欽。○又議准各部

郎中員外郎主事奉差學政者照例加編修檢

討職銜將本任之缺另行銓補至升轉食俸之

處仍就該員原官與各部現任司員一體食俸

欽定大清會典事例

卷三百六十七

八

遇應升時吏部照例推升具題請

旨以升銜註冊仍留學臣之任俟三年任滿回京各

照缺補用其郎中任滿例應推升道府如遇升

進之時准其以應升註冊俟三年任滿考覈稱

職再行歸於月分以應升之缺即用。○又議准

直省歲科兩考報部冊內有緣事暫革生員所

犯在雍正十三年九月初三日及十一月十四

日

恩赦以前者未公確查取問明白造具詳細清冊逐案

報部覆覈以定去留督撫學臣並嚴飭該有司

司官題參。○四年議准。各該學政將欠考各生務令挨次補考。即於彙報歲科學冊內分別註明。以憑查覈。如有欠考數次止補一次及徑附正考等第者。即移咨吏部。照徇情蒙混例議處。○十一年奏准。各學冊所開詳革生員。未經分別開復除名。仍列錄事項下。開三年以上者。行令督撫學政嚴查遲延之由。或案已審結未經錄報。或懸案年久並未審結。分別情事重輕。據實參處。再各省州縣官。或於重案不能審出實情。事隔多年。案由外結。部內無可稽查。惟內有詳革生員。先經冊報在部。下次學冊。每捏開病故完結。嗣後飭令各該學政。凡錄事生員。雖已病故。務將斤革年月。曾否審結。及審定犯案與開復除名之革生。一併摘敘。簡明案由。報部不得混於病故項下開除。○二十四年議准。嗣後學政遇丁憂事故。離任督撫等署理印務。僅遇鄉試之年。場期已近。新任學臣不能抵任。錄遺准其錄送遺才。武生亦照文生一體辦理。○二十五年議准。各省歲科取進文童試卷。於造

冊送部時。通行解部磨勘。後移送禮科磨勘。其有命題怪僻。文體疵謬者。照例指參。○又議准。嗣後歲科兩試童生試卷。仍照舊例。停其解部磨勘。○三十年議准。嗣後各省學政報滿。必照例俟新任學政到任交印。再行起程。其有對調及丁憂事故者。仍交督撫署理。○三十三年議准。嗣後各該學政造送學冊。務將府學生員名下。詳細填註本州縣籍貫。毋致舛錯。以備查覈。○三十八年

諭。昨據禮部題駁四川學政吳省欽奏請科考文生錄取二三等者。先將坐號一體榜示一本。已照部議駁。並將該學政吳省欽飭行矣。比詢及考試生員出案事宜。據大學士于敏中面奏。從前曾任浙江山東學政。俱按照舊時章程辦理。初案臨時先考生員。大府約考二棚。小府約考一棚。越二日即將一等諸生坐號招覆。迨覆試後數日。隨將開定之二三等試卷。分別批評大概。交提調官拆卷填案。曉示發落。每試生員。大學不過十日。小學不過七八日。蓋緣優等諸生例應面加獎勵。其劣等生員。亦應發落責懲。固未便令其先行散歸。亦未便令其久羈守候。且如學政案

臨所至總不宜令生童聚集。又居滋事。即如臣所歷
浙省之杭嘉湖山東之濟東兗諸郡。均係殷庶之區。
並非艱於旅食。亦從不肯令與考諸生羣集。久處。是
以歷來生員開卷出案。為期從不過週。各省情形。自
應大略相等。初不係地方有無公事。以為權衡。至吳
省欽以用兵措詞尤屬毫無干涉。其所請將二三等
卷同時榜示生號。更無此政體。但禮部議令。邛雅等
屬無難以招覆時。飭令不與錄取者聽其還歸。俟大
兵凱旋。仍照章程辦理之處。亦未能切中肯綮。若如
部議恐各省先考生員即行發落之舊規。因而更改。
欽定大清會典事例 卷三百六十七 十一

於事轉屬未便。蓋學臣不能早為閱卷發案者。皆緣
見小惜費。不肯多延幕友。所致。應請通飭各該學政。
實力妥辦。等語。國家所給學政養廉。本屬豐厚。原以
資其辦公之用。若於延致幕友。尚思新惜廉金。不肯
多延名幕。以致人少誤公。亡昧人臣敬事之義。且任
學政者。不思校士育才。而斤斤惟養廉是惜。其鄙陋
尚可問乎。嗣後各省學政。務須通曉大體。多擇工於
問文之幕友。即極小省分。亦不得不及五六人。並著
各督撫留心稽查。如有不肯多延幕友。辦理周章者。
印隨時據實奏聞。毋得稍涉徇隱。四十三年奏准。

各省學政由郎中等官補授者。照例推升。以其
次應升人員擬備。將該員應否留任學政之處。
先行具奏請

旨。如留任者。以升銜註冊。其應升員缺。以擬備之員
升用。五十八年奏准。京官出差學政。如遇升
京職。仍照舊例請

旨。如推升外任。無論何項員缺。即將學政開缺。嘉
慶四年

諭據王德岳起奏。會審宜興甄輔廷等分別治罪一摺。
軍機大臣擬將學政平恕交部嚴加議處。平恕於甄
欽定大清會典事例 卷三百六十七 十二

輔廷擅責生員之時。本在外郡考試。及馬照等在馬
頭喧鬧。經巡撫委員查辦。詳請青革生員。若不照詳
批革。則是平恕庇護劣生。心存偏袒。矣。是其過止於
平日不能教導。而於詳革時。人數較多。未經查察。以
致傳提訊問。波及無辜。然地方官具詳請革生員。設
使學政駁斥不准。地方遇有與學政交涉事件。必致
有袒護劣生。掣肘地方之事。且此等革生。如審係無
干。原可以開復。是平恕之罪。亦不至罷斥。平恕著來
京。以翰林院侍讀學士降補。六年

諭御史王蘇奏。新設江蘇學政。平恕請另行簡放。或酌

望改調一摺內稱平恕前在江蘇斥革生員多名人
人切齒即商賈小民無不痛恨似平恕實有不公不
法之處因令軍機大臣傳到王蘇詢以平恕有無別
項劣蹟今其據實直陳旋據王蘇登覆仍不過稱平
恕辦理甄輔延擢責生員一案衆心不服又稱平恕
考試生童並無別項劣蹟等語平恕前在江蘇學政
任內如果有賄賣生員去取不公等弊該御史當指
明據實參奏朕必嚴為懲辦至其因甄輔延案內斥
革生員多名一事先經照部議鑄職今該御史以業
經議結之案仍列彈章並稱或另請簡放或酌量更

欽定大清會典事例

卷三百六十七

十三

調試思平恕如不勝學政之任既不宜於江蘇豈復
宜於他省若平日並無劣蹟此次復經簡用益當顧
惜聲名用息浮議固不可苛刻以愆怨亦不應寬縱
以沽名儆平恕約束士子仍不得當或有案據亦
何難將平恕罷斥治罪豈有國家簡任學臣因籍隸
本省之御史據拾前事一經劾奏即行更換是舉錯
之機操之言路勢必如明季科道紛紛訐奏惡習成
何政體乎所有江蘇學政仍著平恕去御史王蘇著
交部議處七年

諭給事中陳昌齊奏各款俱不可行據稱各省督撫

並無稽查之人行止難免專擅請加學政以稽察之
銜遇督撫遲壓蒙混等弊隨時舉奏等語各省督撫
如果有貪劣實蹟及地方事件辦理不公學政有奏
事之責原准其據實奏聞候朕裁辦若竟以稽查督
撫之事委之學政則學政之權豈不重於督撫乎國
家設立學政原令其校士衡文若如該給事中所奏
僅各省學政有稽察督撫之名因而於地方公事動
輒干預遇有私意不合任情毀譽又豈不開挾制之
漸設該學政有營私舞弊之事又令何人稽察乎况
督撫俱係一二品大員至各省學政往往有由編檢

欽定大清會典事例

卷三百六十七

十四

主事等官簡放者品秩較小若以之稽察督撫亦非
朝廷體制前明設立巡按最為有名無實該給事中
奏請加銜豈非於督撫之外又設一巡按乎陳昌齊
所奏迂謬原摺著擲還八年奏准各省府廳州縣
共一千七百餘學以每大學前列十卷及小學
不滿十名者儘數一體解送計算約共一萬餘
卷以奉天順天山東山西河南陝甘六省作一
次磨勘江蘇安徽浙江江西福建湖北六省
作一次磨勘以雲南貴州四川廣東廣西湖南
六省作一次磨勘又學政係現任輪替及京堂

部曹曾由翰林出身者。交都察院派科甲出身之科道磨勘學政。係現任科道及京堂之曾任科道與學政係六部司員者。俱交翰林院派員磨勘。以杜同官瞻徇之弊。其由翰林改用科道者。兩衙門俱應迴避。則部派司員辦理所派之員。均令迴避本省。俟磨勘完竣。三衙門各自具奏。

九年奉

旨。各省學政解到生員歲科前列試卷。向例由禮部會同禮科磨勘。此項試卷。本無關得失。且每次解卷多至四五千本。若令各該衙門紛紛磨勘。徒滋煩擾。著欽定大清會典事例 卷三百六十七 十五

照舊例。由禮部會同禮科磨勘。以歸簡易。十一年奏准。郎中等官補放學政。如推升外任。照例將其次應升人員擬備。其應否留任之處。具奏請旨。如奉

旨。留任擬升之缺。即以其次之員升補。其現任學政不必給予升銜。以符體制。又議准。磨勘各省歲科前列試卷。有未知敬避

廟諱者。雖經缺筆。亦罰停鄉試一科。仍發學戒飭。其有

廟諱並未缺筆者。加等罰停鄉試二科。仍發學戒飭。學

政雖經圈出。仍每卷各罰俸六月。又試卷有詩內少一聯者。罰停鄉試一科。廩生仍罰停廩餼一年。增附生由本案補廩者。罰停廩餼一年。學政未經抹出。罰俸六月。又試卷有鈔錄舊文者。革去廩增生。仍留附生。附生隨棚覆考。均發學戒飭。學政免議。又試卷有詩出韻。及平仄不協者。有字句大妄者。有對策失口氣者。如列三名以前。罰停鄉試一科。列四名以後。廩生罰停廩餼一年。增生附生由本案補廩者。罰停廩餼一年。學政未經抹出。大省每卷罰俸三月。小省每

欽定大清會典事例 卷三百六十七 十六

卷罰俸兩月。已經抹出者。免議。又試卷面有貼補姓名者。提調官即行蓋印。為記。有遺漏者。照疏忽例。罰俸三月。所有磨勘出。應議各卷。除應行斥革廩增生。分別辦理外。其應罰科各生。如本科業經鄉試。即罰停下科鄉試。又歲科考前。列試卷為數繁多。解部磨勘。有需時日。嗣後歲科考分作兩次磨勘。每歲科磨勘完竣。即請

欽派大臣覆勘。其科考各卷。即交嚴考覆勘。大臣辦理。十三年議准。各省學政解送歲科考冊。均以試畢後兩月出咨為限。其廩增冊。歲科兩試

亦令解冊二次均以截缺後兩月出咨為限如遇地方情形不同有酌量變通之處另行咨部叢議○又覆准江蘇向來於歲考之年考試江南蘇州松江常州鎮江揚州太倉通州八府州次年春間考淮安徐州海州三屬其餘海二屬係歲考之後接連科考再行科考淮安侯淮安試畢距歲考周徧之期已逾兩月嗣後仍照向例歲冊於次年十月出咨再江蘇科考向於第三年五月事竣七月案臨江甯辦理錄遺事務所有科考冊籍亦照向例於場後九月出咨再

題刻製文義並違例濫取脩生不派教官監場失察家人書役輻夫勒索喜錢散賣熟食搶拾箭枝並令優等生員出錢刊刻試卷各款或答止降罰或贓非入己均屬輕罪其將書籍分派教官轉令童生購買除去工本銀兩外計得餘利銀四百七十六兩依律罪止杖一百流三千里惟該學政賣書漁利種種失察又復派令家人查號割裂出題以致士論沸騰實屬猥鄙不職應請

旨發往新疆效力贖罪嗣後學政家人書吏僕有藉稱喜錢名色索要錢文者今該督撫嚴切申禁毋得視為具文致滋弊竇○二十四年

諭御史程伯鑒奏請飭禁學政收受陋規一摺貴州學

政案試向有紅案銀兩名目前經飭禁並酌增養廉貼補考費茲該御史奏四川省近日又有院費名目並稱各直省所在有之請旨飭禁直省學政養廉優厚足敷辦公豈可復於新進士子收受陋規致開教官等需索之漸若再行通諭各學政務當潔己奉公如有前項陋規名目概行裁革並飭所屬教官一體恪遵以恤寒畯而端學校○又議准嗣後各省學政

開復已革生員須候部覆准後方准應歲科兩試及鄉試錄遺不得自行准其開復致干參辦。○二十五年覆准嗣後學政造送歲科各冊務將大考各生註明次數如有大考三次者即行斥革不准列入留名項下以符定例。道光六年

諭前據御史錢儀吉奏泰浙江學政朱士彥任性錯謬各款當經降旨交程含章詳細確查茲據該撫奏稱原參該學政終日沈湎及教職小誤輒加夏楚二款查訊並無其事惟該學政之父隨棚分閱試卷出題缺定大清會典事例卷三十三

十九

割截太甚不成句讀取進童生寫字錯訛令教官責及嘉興試院於場試畢後演劇各款原參有因等語浙省士風輕薄朕所夙知該學政遇事整頓原無不合惟伊父朱彬迎養到浙止宜在署居住不應隨棚閱卷若亦幫同校閱豈不與干預公事無異試院演劇雖係場事全該亦不應漫無關防至生童勦襲舊文及字畫錯訛原應豫行出示曉諭該院有犯者棄置不錄究不宜出題割裂句讀取進後輒予掌責致滋物議此數節朱士彥不能辭咎著交部議處

十年

諭朕聞安徽學政胡開益考試各屬士論未能翕服降旨令蔣攸銑密行察訪茲據奏胡開益上年考試徽州甯國二府屬歙縣涇縣等處取進文童每有家資富足文理平常之人一時士論未能翕服即無脂屬情弊而雇倩槍替懷挾鈔襲在所不免是胡開益扁試場規不能嚴肅已難辭咎豈能勝學政之任著來京以翰林院侍讀降補。十二年

諭前因山東學政盛恩本任性乖張致滋物議當交部嚴加議處並令鍾祥於山東途次將盛恩本考過各棚有無劣蹟確切訪查茲據奏稱途次查訪該學政飲酒任意取下太寬甚至編造歌謠紛紛傳說聲名實屬平常惟考過各棚據該府縣連街密稟尚無賊私之處盛恩本著照部議降四級調用向來各省督撫每於年終密奏學政聲名嗣後直省學政如有聲名平常劣蹟昭著者該省督撫立即參奏不必俟年終密陳儘意存見好扶同隱飾經朕別有訪聞惟該督撫是問其籍隸本省之科道如遇學政聲名狼籍確有賊私實據亦當隨時奏聞毋稍緘默。十二年

二十

議准江西學政鄭瑞玉不能約束官親書克降三級調用。二十年

諭湯金到等奏覆勘上年各省歲考前列試卷。其中漏印應議者至一百三十餘卷之多。似此相沿成習。易滋流弊。此後應如何安立章程。明定處分之處。著禮部議奏。欽此。遵

旨議定。嗣後歲科考試卷。各貢卷均責成本學教官。於接扣處鈐印申送。提調備有遺漏。即由提調補印申送學政。將教官咨部議處。如提調未經察出。即由學政補印。將提調教官一併咨部議處。如學政未經察出。補印經部磨勘。將學政提調教官一併議處。嗣後教官漏印一卷。罰俸六月。

欽定大清會典事例

卷三百六十七

三十一

二卷罰俸一年。三卷以上。罰俸二年。如前列試卷全漏者。降一級留任。提調失察漏印一卷者。罰俸三月。二卷罰俸六月。三卷以上。罰俸九月。十卷罰俸一年。如失察至十卷以上。罰俸二年。學政失察漏印一卷者。罰俸一月。二卷罰俸兩月。三卷以上。罰俸六月。十卷罰俸九月。如失察漏印至十卷以上。罰俸一年。雖係公罪。均不准其抵銷。二十七年

諭朕恭讀

皇祖高宗純皇帝諭旨。嚴飭各省督撫。於年終密考。將

該學政考試實在有無弊竇。及士子輿論是否翕然。據實詳細奏聞。原以嚴考成而肅功令。

聖諭煌煌。洵宜恪遵謹守。惟相沿日久。該督撫等於年終密考。率皆以場規整肅。士論悅服。為詞習成。故套毫無切實考語。殊非秉公覈實之道。現在學政內雖尚無被人指摘之員。而各省學政盡皆廉明公正。朕亦未能深信。嗣後各省督撫等。務宜破除情面。認真訪察。如該學政等不公不勤。或徇私壞法。以及約束幕友家丁胥吏人等。不能嚴肅。甚至精神疲敝。不能振作。有玷厥職。均著該督撫等秉公具奏。不得仍以

欽定大清會典事例

卷三百六十七

三十二

空言塞責。僅意存見好。徇隱不舉。別經發覺。惟該督撫等是問。二十八年

諭前據琦善奏四川學政徐士穀嗜酒任氣。當因其尚無贓私款迹。僅予交部嚴加處分。茲據該部議奏。徐士穀身任學政。場規固應嚴肅。何得於酒後任性。將應名稍遲之文童。逐出四百餘名之多。復將其保之廩生。責打以致外間有煩言。徐士穀著即照部議降四級調用。以為學臣不自檢束者戒。咸豐四年

諭貴州學政黃統奏。途次被匪毀失文卷。自請議處。一

摺。該學政由興義試竣回省。途次新城。猝被土匪闖

入衙署肆行搶劫該學政身受多傷隨帶文卷冊籍均被毀失所有貴州安順興義兩府屬科試各卷著免其解部磨勘黃統未能先事保護著交部照例議處五年

諭本日貴州學政鮑源深由五百里馳奏貴州勒辦苗匪並軍營餉情形均係巡撫將窮遠節次奏聞業經降旨飭辦之事殊覺徒勞驛站各省學政職司考校地方公事本不與聞其或該省大吏廢弛不職措置乖方原准學政彈劾然非事機緊急迫亦止專差齎摺宣容轉由驛遞又如編修張金鏞由山西考官簡

欽定大清會典事例

卷三百六十七

二十三

放湖南學政具摺謝恩亦由三百里馳遞尤屬非是嗣後各省學政除派辦防勦事務及實有緊要事件迫不及待者准其發報外其餘概不准擅用驛遞以示限制又

諭四川學政何紹基奏陳管見一摺學政無論官階悉與督撫平行惟年終有學政聲名之奏原係互相糾察並非遂為統屬學政苟稍知自愛何至卑汙要結何紹基身任學政而以此言入奏尤屬非是况欽差查辦事件理應慎密該學政以奏參各件聞不使知心懷不平亦屬私見此外各條皆非學政分內之

事亦非今日救時急務均著毋庸置議○七年

諭前因河南學政俞樾出題割裂及坐索棚規各款疊經降旨交英桂督同藩司瑛榮秉公查辦並調查卷冊據實具奏茲據英桂奏稱詳訪輿論俞樾考政尚嚴惟所出題目確有數題割裂太甚不成句讀尚無坐索棚規及輕浮卑鄙各款業經革職著毋庸議學政為士林表率制義代聖賢立言文理之醇疵足規人品之邪正若命題既上下割裂甚至不成句讀又安能開發聖賢義理耶此於士習文風大有關係嗣後各省學政考試出題即防勒襲舊文間用搭截亦

欽定大清會典事例

卷三百六十七

二十四

須句讀分明斷不可如俞樾之文義難通幾於戲侮聖言自取咎戾○同治四年定嗣後各省選舉優生由學政考試頭二場後比照選拔之例會同督撫覆試驗看將頭二場並覆試卷一併送部磨勘毋致參差○光緒二年議准嗣後各省學政查出窩榜包攬招搖飭令提調緝拏之案不能獲一者比照槍手脫逃不實力嚴緝例加等議處初參罰俸一年再限一年緝拏限滿不獲罰俸二年人犯照案緝拏

欽定大清會典事例卷三百六十八

禮部

學校學政關防

學政關防。順治初年定。提學經臨地方。巡捕官董率兵快於交界處防護。

校印。其餘夫馬乘臨伺候。不得別批迎接。官吏師生不許出郭迎送。吏書乘馬自行上下。貼輪近行。馬夫先送雨具。不得近前。兵快執肅靜牌於執事前。迴避牌於吏書前。如遇紆途曲巷。有潛行探聽乘機飽送吏書者。先行拏究。有容令跪道。

欽定大清會典事例

卷三百六十八

一

投書稟見者。巡捕員役重究。該巡捕官不許代替。如違提究。又定案臨下馬。執事卷後暫止。大門外俟與夫出。守門官吏暫開大門。學政先入安置印匣。巡捕官入後堂周視各房牆垣。封鎖書吏出堂。巡捕官同押領官驗交卷。檢次早練。繳執事次地方官送聽事員役及柴燭等項。驛官送原給鋪陳總具一冊。巡捕官按檢畢。乃收入學政更衣升堂。守門吏啟門。各官吏師生序進。逐起稟見。遞一應文冊畢。各回不再見。巡捕官率兵快晝夜巡邏。但有沿牆窺竄拋擲。

瓦及行走蹤迹可疑者。即拏送究。新到星相醫卜面生之人。驅逐不容留住。如違巡捕官責治。地方歇家鄉佑連坐案。臨次日。祇謁。

先師官吏師生禮生止於廟一揖不稟。接行禮畢。升明倫堂。官生以次揖見。應坐者照憲綱序坐。講書生員總出一班。一揖西嚮立。講畢。以次下堂。東嚮立。俟行賞罰畢。官吏師生先出不赴謝。每日辰時投文。申時領文。守門吏領出印信號簿。二。一登記發行公文。一遇各衙門遞到公文。先檢無磨洗折動夾帶私書等弊。方許登記詳驗。

欽定大清會典事例

卷三百六十八

二

批文各幾角幾件。巡捕官印驗訖二字。付原役投入解審。補考批銷。各隨牌入鋪遞公文。亦照前登記。每日門吏各註姓名以備稽查。如員役刁難需索。許稟拏問。其考試閱卷之日。一應公文皆巡捕官驗送。駐紮州縣登簿收存。每一日總為一束。候發落完案。冊送進。有批迴者。該衙門徑註收發。批候發落完日。彙送一應書札。徑自阻回。有緊急事務。傳鼓稟入。非緊急事不得傳鼓。九年題。准學政須正乙潔操。失公失慎。務得真才。不許曲徇情面。生員有荒疏庸妄者。

即行黜退。有捏造流言。惡逞報復者。訪實照例問逮。若鄉宦勢豪。干託不遂。暗行中傷者。許徑自奏參處治。○又奏准。學政巡試各府州。務親臨偏盜。不許於隔別府分調取生儒。以致跋涉為累。不許令師生旬旬迎送。考畢。即於本地方發落。明示賞罰。不許攜帶文卷於別處發案。致令史書乘間作弊。士子無所勸懲。違者題參。○又題准。學政奉

教專督學校。督撫布按兩司。不許侵其職掌。學政巡試所屬。除教官生員干犯行止。合行嚴懲外。不

欽定大清會典事例

卷三百六十八

三

許泛受民辭。侵官喜事。其生員犯罪。或事須對理者。聽該管衙門提問。不許徇庇。致令有所倚恃。抗拒公法。○十一年覆准。新授學政。一經領教。次日即行赴任。如有逗遛都中。赴席燕會者。許料道官指名參處。至於各省舊任學臣。考試已竣。均於十一月內報滿到部。如違定限。題參議處。○康熙十八年議准。向來歲科兩考。積弊有十。童生未經府考。冊內無名。鑽求學政。徑取入學。巧圖捷便。一弊也。考試各府州縣衙所童生。額外溢取。撥發別學。明收冒籍。以占本學正額。二

欽定大清會典事例

卷三百六十八

四

弊也。彌封編號印簿。及場內坐號紅簿。不發該府州縣封存。私留本署。暗對字號。賄賣三弊也。考完一府。不將紅案連行發學。任意遲延。徇私通賄。更改等第。拔下作上。四弊也。每考一處。令書辦承差快手人等。出入過付。暗訪生員有家資者。先開六等草單。嚇詐保等。出銀准入三等。五弊也。文童額少。武童額多。將文童充為武童。入學之後。黃緣改文。倡優奴隸。濫行收賂。實能騎射者。預而不錄。六弊也。各府地方設立考場。憚於親臨。將生童違調考試。各州縣告病生員。預掛驗病。困苦難堪。七弊也。縱容無賴教官。包攬生童。私通錢索。致勞分潤。名曰作興。大壞風教。八弊也。曲徇上司。同僚情面。並京官鄉宦私書。及親戚朋友。隨住地方。討情抽豐。孤寒之士。棄而不錄。九弊也。報部學冊。將額外溢取入學童生。未經歲科兩考。豫附三等。其姓名不入新案。造入衣頂下。以趙甲頂錢乙。作為實在之數。蒙混禮部。十弊也。嗣後學道考覈。均註剔除十弊。不能剔除十弊。該督撫即指參。內有貪贓之弊。照例革職提問。如無貪贓等事。照才力不及

例降二級調用其考覈疏內不註剔除十弊字樣及未曾剔除而註剔除者或吏部查出或科道糾參督撫照不報方員例降三級調用督撫有需索陋規者亦照貪贓例處分至上司同僚京官鄉宦私書及親戚朋友隨住地方討情抽豐並州縣官傳遞私書鄉紳投刺請席者係官革職係常人交刑部從重治罪至順大學院任滿時亦開明剔除十弊具題考覈方准回院前時改學院任滿時自題十弊剔除若不能剔除或有貪贓等弊亦照學道例處分○二十一年覈推嗣後學政

誼修明者不為表揚現今該督撫題參交部從重議處如督撫徇私事發二併議處○三十九年議准學政考試督撫藩臬各道勒索陋規及學政濫與者皆革職提問如有勢宦京官請託投札及教官巡捕進士舉人說情並書吏卑役等討實等事有官職者革職無官職者從重治罪若學臣徇情市恩者亦革職一併提問知府如有包攬入學童生要挾勒索將文理不通之童生送考者或學臣申報或督撫糾參將知府革職提問學政與提調知府扶同作弊者一併革職提問督撫不糾參學政不申報者皆革職○又覆准督撫如有籍名開送童生者照勒索棚規例治罪州縣官賄薦案首及各官效勞分肥提鎮等官說情並學臣扶同者事發皆照例治罪遇有挾制干請者准徑實封奏聞若祖父兄弟為子孫營謀者除本童童外祖父兄弟有官者革職無官者從重治罪○雍正二年議准考試文武童生照定額取進覆試之後即行出案發落不得於本地少取俟發紅案時復將別處添入以滋弊端○又議准各省學臣